

四庫全書

史部

欽定四庫全書

吳興備志卷十九

明 董斯張 撰

戰守徵第十五

黃武五年丹陽會稽吳興山寇攻沒郡縣乃分三郡要害地置東安郡居富春以抗拒之

吳志

寶鼎元年冬十月永安山賊施但等聚衆數千人劫皓庶弟永安侯謙出烏程取孫和陵上鼓吹曲蓋比至建業衆萬餘人丁固諸葛靚逆之於牛屯大戰但等敗走

獲謙謙自殺

吳志

沈充之走吳興也假庾亮持節都督東征諸軍事追充

事平以功封永昌縣開國公

晉書

太寧二年十二月沈充故將顧颺反於武康攻燒城邑

州縣討斬之

王舒字處明成帝時將徵蘇峻出舒為外援授會稽內史峻作逆假節都督行揚州刺史事時吳國內史庾冰棄郡奔舒舒移告屬縣渡浙江遣前鋒進據無錫吳興

太守虞潭率所領屯烏邑亭不敢進時暴雨大水賊管  
商乘船旁出襲之潭敗還吳興于是賊轉攻吳興潭諸  
軍復退賊掠東遷餘抗武康諸縣舒遣子允之以精銳  
三千邀賊于武康破之賊委舟走允之收其器械進兵  
助潭時賊韓晃既破宣城轉入故鄣長城允之遣朱燾  
等擊之斬首千餘級納降二千人

孫恩之亂劉牢之率衆東討拜表輒行至吳興衛將軍  
謝琰擊賊屢勝殺傷甚衆徑臨浙江進拜前將軍都督

吳郡諸軍事時謝琰屯烏程遣司馬高素助牢之牢之率衆軍濟浙江恩懼逃于海謝琰督吳興義興二郡軍事討孫恩至義興斬賊許允之進討吳興賊卽殲破之

並上

泰始二年春正月乙未晉安王子勛即偽位于潯陽丙午吳郡太守顧璠吳興太守王曇生並舉兵反二月壬申吳興太守張永右將軍東討丁亥建武將軍吳嘉公率諸軍破賊于吳興

宋書

梁王清臨沂人歷南安將軍承聖末陳武帝殺太尉王僧辯遣文帝攻僧辯壻杜龕龕告于清引兵援龕大敗文帝于吳興追奔至晉陵時廣州刺史歐陽顏亦同清援中更改異殺清而歸武帝

梁書

初杜龕恃王僧辯之勢不禮于陳霸先在吳興每以法繩其宗族霸先深怨之及將圖僧辯密使兄子蒨還長城立柵以備龕僧辯死龕據吳興拒霸先義興太守韋載以郡應之僧辯弟僧智為吳郡太守亦據城拒守蒨

至長城收兵纔數百人龕遣其將杜泰將兵攻之數旬不克而退霸先使周文育攻義興不利自表東討留侯安都杜稜宿衛至義興拔其水柵譙秦刺史徐嗣徽從弟嗣先僧辯之甥也亡就嗣徽以州入于齊嗣徽密結南豫州刺史任約將兵乘虛襲建康據石頭游騎至闕下侯安都閉門令城中登陴闕賊者斬及夕嗣徽等還安都夜為戰備將旦嗣徽等又至安都出戰大破之嗣徽等奔還石頭霸先以書諭韋載載降霸先引與謀議

卷甲還建康使周文育裴忌攻吳郡忌輕行夜至城下  
鼓譟薄之僧智奔吳興忌入據郡及龕敗王僧智與僧

愔遂奔齊

綱目  
通鑑

陳遂興侯詳高祖疎屬也高祖東征杜龕詳別下安吉  
原鄉故鄣三縣龕平以功授散騎侍郎假節雄信將軍

青州刺史

陳書

韋冲京兆人開皇中檢校括州事時吳興賊帥羅慧方  
聚衆為亂攻圍烏程諸縣冲率兵擊破之封義豐縣侯



書

輔公祐據江南李孝恭李靖討之公祐敗乘勝逐北轉戰百餘里公祐棄城東走宿常州其將吳騷等謀執之公祐覺之棄妻子斬關走孝恭命騎將追之至武康擒公祐及其僞僕射西門君儀等致麾下江南悉平是役也李勣亦從

舊唐書李孝恭李靖李勣三傳參浙江通志

上元元年十二月劉展將孫待封陷湖州展以待封領湖州事二年春待封自武康出將會張景超攻杭州溫

晁據險擊敗之待封脫身奔烏程展死詣李藏用降

資治

鑑通

按待封他日寧死不肯附成藏用反狀可稱不遠復

矣

元衡

李錡貞元中累至湖杭二州刺史遷潤州刺史兼鹽鐵使積財進奉以結恩澤德宗甚寵之錡恃恩驕恣遣心腹五人為所部五州鎮將姚志安處蘄州李深處常州趙惟忠處湖州邱自昌處杭州高肅處睦州各有兵數

千仞察刺史動靜至是錡遂稱兵置五劔分授管內鎮將各令殺其刺史常州嚴防用客李雲計矯制稱詔討副使斬李深傳檄蘓杭湖睦請全進討是時辛秘為湖州刺史賊黨以秘儒者甚易之秘潛募鄉閭子弟數百人遣衙門將卽知二襲惟忠營破之知二中流矢墜馬起而復戰斬惟忠焚其營一州遂安蘓州刺史李素為姚志安所繫釘于船舷生致于錡未至而錡敗得免治

通鑑參舊唐書  
李錡辛秘二傳

卷甲還建康使周文育裴忌攻吳郡忌輕行夜至城下  
鼓譟薄之僧智奔吳興忌入據郡及龕敗王僧智與僧

惛遂奔齊

綱目  
通鑑

陳遂興侯詳高祖疎屬也高祖東征杜龕詳別下安吉  
原鄉故鄣三縣龕平以功授散騎侍郎假節雄信將軍

青州刺史

陳書

韋冲京兆人開皇中檢校括州事時吳興賊帥羅慧方  
聚衆為亂攻圍烏程諸縣冲率兵擊破之封義豐縣侯

書

輔公祐據江南李孝恭李靖討之公祐敗乘勝逐北轉戰百餘里公祐棄城東走宿常州其將吳騷等謀執之公祐覺之棄妻子斬關走孝恭命騎將追之至武康擒公祐及其僞僕射西門君儀等致麾下江南悉平是役也李勣亦從

舊唐書李孝恭李靖李勣三傳參浙江通志

上元元年十二月劉展將孫待封陷湖州展以待封領湖州事二年春待封自武康出將會張景超攻杭州溫

晁據險擊敗之待封脫身奔烏程展死詣李藏用降

資治

鑑通

按待封他日寧死不肯附成藏用反狀可稱不遠復

矣

元衛

李錡貞元中累至湖杭二州刺史遷潤州刺史兼鹽鐵使積財進奉以結恩澤德宗甚寵之錡恃恩驕恣遣心腹五人為所部五州鎮將姚志安處蘓州李深處常州趙惟忠處湖州邱自昌處杭州高肅處睦州各有兵數

千仞察刺史動靜至是錡遂稱兵置五劔分授管內鎮將各令殺其刺史常州嚴防用客李雲計矯制稱詔討副使斬李深傳檄蘓杭湖睦請全進討是時辛秘為湖州刺史賊黨以秘儒者甚易之秘潛募鄉閭子弟數百人遣衙門將卽知二襲惟忠營破之知二中流矢墜馬起而復戰斬惟忠焚其營一州遂安蘓州刺史李素為姚志安所繫釘于船舷生致于錡未至而錡敗得免治

通鑑參舊唐書  
李錡辛秘二傳

乾符五年夏四月王仙芝別將曹師雄寇湖州鎮海節

度使裴璩遣兵擊破之

資治通鑑

乾寧二年六月以錢鏐為浙東招討使封郡王鏐發兵擊董昌九月昌求救于楊行密十月行密遣田頔安仁義攻杭州鎮戍以救昌昌使湖州將徐淑會淮南將魏約共圍嘉興鏐遣其將顧全武救嘉興破烏墩三年正月安仁義以舟師至湖州欲渡江應董昌錢鏐遣武勇都指揮使顧全武等守西陵仁義不能渡四年四月鏐



遣顧全武等將兵三千自海道救嘉興至城下擊淮南  
兵大破之淮南將田頔驛亭球全武等乘勝逐之甲  
戌頔至自湖州奔還復追敗之上

乾寧三年江淮巨賊張雄犯烏墩燒劫幾盡

烏青志

唐昭宗時韓守盛以功拜池州刺史楊行密表徙湖州  
刺史以兵護送而李師悅在湖州與杭州刺史錢鏐戰  
不解于是蘓湖常潤亂甚

西吳里語

宋高宗建炎戊申五月嘉興州軍士徐明等作亂道經

烏墩僧性寶見賊說諭之賊乃歛兵而去得免焚掠烏青志

穆陵既正九五之位皇兄濟王竑出封宛陵辭不就史丞相全叔以其有逼近之嫌遂徙寓于雪城之西寶慶元年乙酉正月八日含山狂士潘甫與弟壬丙率太湖亡命數十人各以紅半袖為號乘夜踰牆而入至邸索王聲義舉推戴王聞變易敝衣匿水櫃中久而得之擁至州治旋往東岳行祠取龍椅置設廳以黃袍加之王

號泣不從脇之以兵不獲已與之約曰汝能勿傷太后  
官家否衆諾遂發軍資庫出金幣楮券犒軍命守臣謝  
周卿率見任及寄居立班且揭李金榜於州門聲言史  
丞相私意援立等罪且稱見率精兵二十萬水陸並進  
皆聳動以為山東狡謀比曉則執兵者大半皆太湖漁  
人巡校司彎卒輩多識之始疑其偽王乃與羣將謀帥  
州兵勦之其數原不滿百也潘壬竟逸去

後獲之楚寓  
州河岸

公王元春遂以輕舟告變於朝急調殿司將彭忱赴之

乾符五年夏四月王仙芝別將曹師雄寇湖州鎮海節

度使裴璩遣兵擊破之

資治通鑑

乾寧二年六月以錢鏐為浙東招討使封郡王鏐發兵擊董昌九月昌求救于楊行密十月行密遣田頔安仁義攻杭州鎮戍以救昌昌使湖州將徐淑會淮南將魏約共圍嘉興鏐遣其將顧全武救嘉興破烏墩三年正月安仁義以舟師至湖州欲渡江應董昌錢鏐遣武勇都指揮使顧全武等守西陵仁義不能渡四年四月鏐

遣顧全武等將兵三千自海道救嘉興至城下擊淮南兵大破之淮南將田頔屯驛亭埭全武等乘勝逐之甲戌頔至自湖州奔還復追敗之上

乾寧三年江淮巨賊張雄犯烏墩燒劫幾盡

烏青志

唐昭宗時韓守盛以功拜池州刺史楊行密表徙湖州刺史以兵護送而李師悅在湖州與杭州刺史錢鏐戰不解于是蘓湖常潤亂甚

西吳里語

宋高宗建炎戊申五月嘉興州軍士徐明等作亂道經

烏墩僧性寶見賊說諭之賊乃歛兵而去得免焚掠青烏志

穆陵既正九五之位皇兄濟王竑出封宛陵辭不就史丞相全叔以其有逼近之嫌遂徙寓于霅城之西寶慶元年乙酉正月八日含山狂士潘甫與弟壬丙率太湖亡命數十人各以紅半袖為號乘夜踰墻而入至邸索王聲義舉推戴王聞變易敝衣匿水櫃中久而得之擁至州治旋往東岳行祠取龍椅置設廳以黃袍加之王

號泣不從脇之以兵不獲已與之約曰汝能勿傷太后  
官家否衆諾遂發軍資庫出金幣楮券犒軍命守臣謝  
周卿率見任及寄居立班且揭李全榜於州門聲言史  
丞相私意援立等罪且稱見率精兵二十萬水陸並進  
皆聳動以為山東狡謀比曉則執兵者大半皆太湖漁  
人巡校司彎卒輩多識之始疑其偽王乃與羣將謀帥  
州兵勦之其數原不滿百也潘壬竟逸去

後獲之楚寓  
州河岸

公王元春遂以輕舟告變於朝急調殿司將彭忱赴之

兵至賊已就誅矣主兵官苟統領者堅欲入城意在乘時劫掠舟抵南關張王祠下忽若有方巾白袍人擠之入水於是亟聞之朝廷亦以事平俾班師焉使非有此一城必大擾矣越一日史相遣其客余天錫來且頒宣醫視疾之旨時王本無疾實使之自為計遂縊於州治之便室昇歸故第治喪始欲治喪西余山寺其後遂藁葬西溪焉初朝廷得報謂出山東謀史揆懼甚既而事敗李全亦自通於朝以為初不預聞疑慮始釋遂下詔



貶王為巴陵縣公夫人吳氏賜度牒為女冠移居紹興  
改湖州為安吉州王元春以告變功遂知鄉郡時秀王  
第十三子師彌逃難菁山園廟亦獎其能守園陵躋升  
嗣襲甚者以潘閭嘗從秦王為記室有全謀之嫌亦黜  
其先賢之配焉先是天台宋濟中揖為守日更立諸坊  
扁其左題曰守臣宋濟立未幾變作或以為先識云

齊東

野語

元兵入建康臨安震恐遣張濡戍獨松關郁天興戍四

安鎮趙淮戍銀杏浦壩張世傑遣閻順進軍廣德後閻  
順戰安吉縣復取鳳平張濡部曲害元行人嚴忠範於  
獨松關執廉希賢送臨安因免安吉縣租

宋史

元兵發建康叅政阿婁罕四萬戶總管鄂囉齊將右軍  
出四安鎮趣獨松關遂破四安鎮正將吳明死之破獨  
松關馮驥死之張濡遁隣邑

宋史

至正十六年二月張士誠遣兵陷湖州路八年太祖命  
元帥費子賢總管張德守安吉築城固守士誠出兵來

攻別將廖永安與戰於太湖乘舟深入後軍不繼為所獲士誠欲降之永安不屈遂拘囚之太祖念其守義遥封楚國公後竟囚死二十五年十二月士誠兵寇安吉守將費子賢擊却之二十六年八月徐達等受命將發太祖問諸將曰爾等此行用師孰先常遇春對曰逐梟者必覆其巢去鼠者必熏其穴此行當直擣姑蘇姑蘇既破其餘諸郡可不勞而下矣太祖曰不然士誠起鹽徒與張天驕潘元明等皆強梗之徒相為手足士誠苟

兵至賊已就誅矣主兵官苟統領者堅欲入城意在乘時劫掠舟抵南關張王祠下忽若有方巾白袍人擠之入水於是亟聞之朝廷亦以事平俾班師焉使非有此一城必大擾矣越一日史相遣其客余天錫來且頌宣醫視疾之旨時王本無疾實使之自為計遂縊於州治之便室昇歸故第治喪始欲治喪西余山寺其後遂藁葬西溪焉初朝廷得報謂出山東謀史揆懼甚既而事敗李全亦自通於朝以為初不預聞疑慮始釋遂下詔

貶王為巴陵縣公夫人吳氏賜度牒為女冠移居紹興  
改湖州為安吉州王元春以告變功遂知鄉郡時秀王  
第十三子師彌逃難菁山園廟亦獎其能守園陵躐升  
嗣襲甚者以潘閭嘗從秦王為記室有全謀之嫌亦黜  
其先賢之配焉先是天台宋濟中揖為守日更立諸坊  
扁其左題曰守臣宋濟立未幾變作或以為先識云

齊東

野語

元兵入建康臨安震恐遣張濡戍獨松關郁天興戍四

安鎮趙淮戍銀杏浦壩張世傑遣閻順進軍廣德後閻  
順戰安吉縣復取鳳平張濡部曲害元行人嚴忠範於  
獨松關執廉希賢送臨安因免安吉縣租

宋史

元兵發建康叅政阿婁罕四萬戶總管鄂羅齊將右軍  
出四安鎮趣獨松關遂破四安鎮正將吳明死之破獨  
松關馮驥死之張濡遁隣邑

宋史

至正十六年二月張士誠遣兵陷湖州路八年太祖命  
元帥費子賢總管張德守安吉築城固守士誠出兵來

攻別將廖永安與戰於太湖乘舟深入後軍不繼為所獲士誠欲降之永安不屈遂拘囚之太祖念其守義遥封楚國公後竟囚死二十五年十二月士誠兵寇安吉守將費子賢擊却之二十六年八月徐達等受命將發太祖問諸將曰爾等此行用師孰先常遇春對曰逐梟者必覆其巢去鼠者必熏其穴此行當直擣姑蘇姑蘇既破其餘諸郡可不勞而下矣太祖曰不然士誠起鹽徒與張天驕潘元明等皆強梗之徒相為手足士誠苟

至窮蹙天驕輩懼俱斃必併力救之今不先分其勢而遽攻姑蘓若天驕出湖州元明出杭州援兵四合難以取勝莫若出兵先攻湖州使其疲于奔命羽翼既疲然後移兵姑蘓取之必矣遇春猶執前議太祖作色曰湖州失利吾自任之若先攻蘓州而失利吾不汝貸也遇春不復敢言于是達等率諸軍發龍江至太湖遇春擊敗士誠兵于湖州港口禽其將尹義陳旺遂次洞庭山進至湖州之毘山又擊敗其將石清汪海擒之張士誠



駐軍湖上不敢戰而退師至湖州之三里橋士誠兵分三路來拒參政黃寶當南路院判陶子實當中路左丞張天騏自當北路全僉唐侃為後繼達進攻之遣遇春攻寶王弼攻天騏達自中路攻子實別遣驍將王國寶率長鎗軍直扼其城寶敗走欲入城城下釣橋已斷不得入復還力戰被擒并獲其元帥胡貴以下官二百餘人天騏子實皆不敢戰歛兵而退士誠又遣司徒李伯昇來援由荻港入城被圍伯昇及天騏閉戶拒守達遣國

寶攻其南門自以大軍繼之其全僉余得全院判張德義及陶子實出戰復敗走士誠又遣平章朱進王晟全僉戴茂呂珍院判李茂及其第五子號五太子者率兵六萬來援號三十萬屯城東之舊館築五寨自固達與遇春湯和等分兵營于東阡鎮南姑嫂橋連築十壘以絕舊館之援李茂唐傑王晟懼不敵皆遁去士誠壻潘元紹時駐兵于烏鎮之東為呂珍等聲援乘夜擊之亦遁遂填塞河港絕其糧道士誠知事急乃親率兵來援

達等與戰于皂林之外又敗之虜其戴元帥及甲士三千餘人九月士誠復遣其全僉徐志堅以輕舟出東阡鎮覘我師欲攻姑嫂橋遇春遇之與戰會大風雨天晦甚遇春令勇士乘剡船數百突擊之擒志堅得兵二千餘人士誠自徐志堅敗甚懼遣其右丞徐義至舊館覘形勢將還報遇春以兵扼其歸路義不得出乃陰遣人約士信出兵與舊館兵合力來戰士誠又遣赤龍船親兵援之義始得脫潘元紹率赤龍船兵屯于平望復別

至窮蹙天驕輩懼俱斃必併力救之今不先分其勢而遽攻姑蘓若天驕出湖州元明出杭州援兵四合難以取勝莫若出兵先攻湖州使其疲于奔命羽翼既疲然後移兵姑蘓取之必矣遇春猶執前議太祖作色曰湖州失利吾自任之若先攻蘓州而失利吾不汝貸也遇春不復敢言于是達等率諸軍發龍江至太湖遇春擊敗士誠兵于湖州港口禽其將尹義陳旺遂次洞庭山進至湖州之毘山又擊敗其將石清汪海擒之張士誠

駐軍湖上不敢戰而退師至湖州之三里橋士誠兵分三路來拒參政黃寶當南路院判陶子實當中路左丞張天騏自當北路全僉唐侃為後繼達進攻之遭遇春攻寶王弼攻天騏達自中路攻子實別遣驍將王國寶率長鎗軍直扼其城寶敗走欲入城城下釣橋已斷不得入復還力戰被擒并獲其元帥胡貴以下官二百餘人天騏子實皆不敢戰歛兵而退士誠又遣司徒李伯昇來援由荻港入城被圍伯昇及天騏閉戶拒守達遣國

寶攻其南門自以大軍繼之其全僉余得全院判張德義及陶子實出戰復敗走士誠又遣平章朱進王晟全僉戴茂呂珍院判李茂及其第五子號五太子者率兵六萬來援號三十萬屯城東之舊館築五寨自固達與遇春湯和等分兵營于東阡鎮南姑嫂橋連築十壘以絕舊館之援李茂唐傑王晟懼不敵皆遁去士誠壻潘元紹時駐兵于烏鎮之東為呂珍等聲援乘夜擊之亦遁遂填塞河港絕其糧道士誠知事急乃親率兵來援

達等與戰于皂林之外又敗之虜其戴元帥及甲士三千餘人九月士誠復遣其全僉徐志堅以輕舟出東阡鎮覘我師欲攻姑嫂橋遇春遇之與戰會大風雨天晦甚遇春令勇士乘剡船數百突擊之擒志堅得兵二千餘人士誠自徐志堅敗甚懼遣其右丞徐義至舊館覘形勢將還報遇春以兵扼其歸路義不得出乃陰遣人約士信出兵與舊館兵合力來戰士誠又遣赤龍船親兵援之義始得脫潘元紹率赤龍船兵屯于平望復別

乘小舟潛至烏鎮欲援舊館遇春由別港追襲之至平望縱火焚其赤龍船軍資器械一時俱盡衆軍散走自是舊館兵援絕饋餉不繼多出降者十月達以所獲將士徇于湖州城下城中大震遇春兵攻烏鎮徐義潘元紹及甘院判樞戰不勝退走遇春追至弁山遂攻破其平章王晟陸寨餘軍奔入舊館之東壁其全僉戴茂乞降是夕晟亦降達復攻弁山水寨顧時引數舟統士誠兵船船上人俯視而笑時覺其懈率壯士數人躍入其



舟大呼奮擊餘舟競進薄之士誠五太子盛兵來援遇  
春稍却薛顯率舟師直前奮擊衆大敗五太子及朱暹  
呂珍以舊館降得兵六萬人遇春謂顯曰今日之戰將  
軍之力居多吾固不如也五太子者士誠養子本姓梁  
短小精悍能平地躍起丈餘又善沒水暹珍亦善戰士  
誠倚之至是皆降士誠為之奪氣十一月舊館捷至父  
老進賀太祖曰此民之福也自此東南可定轉輸之勞  
亦可少甦矣舊館既降達遣馮國勝以降將徇湖州城

下語李伯昇出降伯昇在城上對曰張太尉養吾厚吾不忍背之抽刀欲自刎為左右抱持得不死左右語之曰援絕勢孤久困城中不如降伯昇俯首不能言其左丞張天騏總管陳昧以城降伯昇遂亦降于是達引兵向姑蘇至南潯元帥王勝降

以上俱平吳錄

是役也華高康才于光皆從

宋學士集

按宋濂開平王神道碑云師攻湖州時偽丞相張士信悉發國中兵為援屯於舊館出我師之背王統奇

兵由大錢港入結營東阡復出敵背則大錢港亦州之要害地

張士誠下湖州改元天祐以其壻潘原明為左丞鎮吳興原明在郡以郡城廣大難守規而小之以人依橋高不可過馬剗而平之潘驕侈名娼數十人有蘇氏者才色兼美酒後尋其罪斬之以金盤薦其首於客宴王師下湖州潘伏誅臺城投其首於溇

西吳里話

按平吳錄云李文忠進兵杭州平章潘原明懼遣負

乘小舟潛至烏鎮欲援舊館遇春由別港追襲之至平望縱火焚其赤龍船軍資器械一時俱盡衆軍散走自是舊館兵援絕饋餉不繼多出降者十月達以所獲將士徇于湖州城下城中大震遇春兵攻烏鎮徐義潘元紹及甘院判樞戰不勝退走遇春追至弁山遂攻破其平章王晟陸寨餘軍奔入舊館之東壁其全僉戴茂乞降是夕晟亦降達復攻弁山水寨顧時引數舟統士誠兵船船上人俯視而笑時覺其懈率壯士數人躍入其

舟大呼奮擊餘舟競進薄之士誠五太子盛兵來援遇  
春稍却薛顯率舟師直前奮擊衆大敗五太子及朱暹  
呂珍以舊館降得兵六萬人遇春謂顯曰今日之戰將  
軍之力居多吾固不如也五太子者士誠養子本姓梁  
短小精悍能平地躍起丈餘又善沒水暹珍亦善戰士  
誠倚之至是皆降士誠為之奪氣十一月舊館捷至父  
老進賀太祖曰此民之福也自此東南可定轉輸之勞  
亦可少甦矣舊館既降達遣馮國勝以降將徇湖州城

下語李伯昇出降伯昇在城上對曰張太尉養吾厚吾不忍背之抽刀欲自刎為左右抱持得不死左右語之曰援絕勢孤久困城中不如降伯昇俯首不能言其左丞張天騏總管陳昧以城降伯昇遂亦降于是達引兵

向姑蘇至南潯元帥王勝降

以上俱平吳錄

是役也華高康才于光皆從

宋學士集

按宋濂開平王神道碑云師攻湖州時偽丞相張士信悉發國中兵為援屯於舊館出我師之背王統奇

兵由大錢港入結營東阡復出敵背則大錢港亦州之要害地

張士誠下湖州改元天祐以其壻潘原明為左丞鎮吳興原明在郡以郡城廣大難守規而小之以人依橋高不可過馬剗而平之潘驕侈名娼數十人有蘇氏者才色兼美酒後尋其罪斬之以金盤薦其首於客宴王師下湖州潘伏誅臺城投其首於溇

西吳里話

按平吳錄云李文忠進兵杭州平章潘原明懼遣負

外方彞詣軍門請納款文忠宣上命慰諭之遣原明  
以下入朝太祖以原明全城歸附仍授平章官屬皆  
仍舊職又黃金原明傳云洪武十四年以原明署雲  
南布政事其後賜葬鍾山當王師入湖時李伯昇為  
政何闕原明宗君巷說乃爾

丁酉二月耿炳文自廣德取長興張士誠將趙打虎以  
兵三千迎戰敗之追至城西門打虎走湖州遂克長興  
獲戰船三百餘艘擒士誠守將李福安達實密等義兵



萬戶蔣義率所部二百人降有儒士溫祥卿者避亂挈家來歸炳文與語奇之遂留贊軍事用其策分兵據要害設戰具為守禦計三月改長興州為長安州立永興翼元帥府以炳文為總兵都元帥守之五月士誠遣其左丞潘原明元帥嚴再興入寇屯上新橋炳文擊敗之生擒數百人斬首甚衆原明等遁去踰四年辛丑十月士誠復遣司徒李伯昇率衆十餘萬寇城下城中兵僅七千上命帳前都先鋒陳德等率建康兵元帥華高等

率宜興兵萬戶費聚等率廣德安吉兵往援之比至寇  
兵夜擊營諸軍皆潰炳文嬰城固守明日遣副元帥劉  
成出西門迎擊敗之敵軍下瞰城中運土石填濠隍燒  
水關攻城益急炳文晝夜應敵凡月餘既而援兵至伯  
昇棄營遁甲辰九月改永興翼元帥府為永興衛親軍  
指揮使司以炳文為指揮使十月士誠丞相張士信以  
兵來侵炳文破之獲其元帥宋興祖士信憤怒復益兵  
圍城炳文復與指揮同知費聚出戰敗之自是士誠奪

氣不敢復圖長興矣炳文守長興凡十年孤城血戰卒保無虞其功最大丙午八月上命將伐士誠先取湖州

調炳文從事十一月湖州平

黃金開國功臣錄

丙午秋天興右翼副元帥吳楨從大將軍達率馬步走師由港口取湖州公勒奇兵出舊館扼之戰以大捷

劉崧

吳襄毅神道碑

辛丑歲常遇春從上破江州冬十有一月張士誠寇長

興命遇春往援士誠兵敗俘殺五千餘人

宗濂開平王神道碑

外方彛詣軍門請納款文忠宣上命慰諭之遣原明  
以下入朝太祖以原明全城歸附仍授平章官屬皆  
仍舊職又黃金原明傳云洪武十四年以原明署雲  
南布政事其後賜葬鍾山當王師入湖時李伯昇為  
政何闕原明宋君卷說乃爾

丁酉二月耿炳文自廣德取長興張士誠將趙打虎以  
兵三千迎戰敗之追至城西門打虎走湖州遂克長興  
獲戰船三百餘艘擒士誠守將李福安達實密等義兵

萬戶蔣義率所部二百人降有儒士溫祥卿者避亂挈家來歸炳文與語奇之遂留贊軍事用其策分兵據要害設戰具為守禦計三月改長興州為長安州立永興翼元帥府以炳文為總兵都元帥守之五月士誠遣其左丞潘原明元帥嚴再興入寇屯上新橋炳文擊敗之生擒數百人斬首甚衆原明等遁去踰四年辛丑十月士誠復遣司徒李伯昇率衆十餘萬寇城下城中兵僅七千上命帳前都先鋒陳德等率建康兵元帥華高等

率宜興兵萬戶費聚等率廣德安吉兵往援之比至寇  
兵夜擊營諸軍皆潰炳文嬰城固守明日遣副元帥劉  
成出西門迎擊敗之敵軍下瞰城中運土石填濠隍燒  
水關攻城益急炳文晝夜應敵凡月餘既而援兵至伯  
昇棄營遁甲辰九月改永興翼元帥府為永興衛親軍  
指揮使司以炳文為指揮使十月士誠丞相張士信以  
兵來侵炳文破之獲其元帥宋興祖士信憤怒復益兵  
圍城炳文復與指揮同知費聚出戰敗之自是士誠奪

氣不敢復圖長興矣炳文守長興凡十年孤城血戰卒保無虞其功最大丙午八月上命將伐士誠先取湖州

調炳文從事十一月湖州平

黃金開國功臣錄

丙午秋天興右翼副元帥吳禎從大將軍達率馬步走師由港口取湖州公勒奇兵出舊館扼之戰以大捷

劉崧

吳襄毅神道碑

辛丑歲常遇春從上破江州冬十有一月張士誠寇長

興命遇春往援士誠兵敗俘殺五千餘人

宗濂開平王神道碑

國初僞漢陳友諒為勁敵僞吳張士誠次之吳能西擾  
建業我則不敢越鄱陽而取武昌矣是時以長興侯耿  
炳文守長興江陰侯吳良守江陰長興守則陸騎不能出  
徽歛所以斷平江之掌股江陰守則舟師不敢窺通泰  
所以扼平江之襟喉吳不我擾而陳氏滅張氏繼之矣

見聞  
雜記

永樂二十一年陽武侯薛祿奉命討捕湖州叛寇

楊士奇  
薛公神

碑道



王晉溪在本兵時適湖州孝豐縣湯麻九反勢頗猖獗  
浙江巡按御史解冕奏聞朝廷下兵部議晉溪呼賁本  
人至兵部大言數之曰湯麻九不過一毛賊只消本處  
差數十火夫縛之此何足奏報欲朝廷發兵殊傷國體  
此御史不職即當考察論罷矣賁本人回浙江傳說此  
語一時皆以為湖州江南地朝廷不肯處分豈置之度  
外耶倘賊勢蔓延猝不可撲滅本兵甚為失策賊亦偵  
知此語恣意劫掠不設隄備先是戶部為查錢糧差都

御史許延光在浙江晉溪即請密勅許公討之且授以  
方畧即命憲副彭姓者潛提民兵數千餘出其不意乘  
夜而往賊方擄掠回相聚酣飲兵適至即時擒斬無一  
人得脫者爾時若朝廷命將遣兵彼必負固拒命淹頓  
日久不但勝負未可必縱勝而兵勞財費亦已甚矣晉  
溪此舉蓋不煩一旅不損一財而地方尋定謀之廟堂  
之上而定難于數千里之外若身履其地所謂折衝于  
樽俎者非耶

四友齋叢說與石琮碑微異  
攷杭志斯時無憲副彭姓者

湖有白包巾之變妖人馬道師煽衆騙財無他志有司捕之急適民兵三月不給糧乃相搆而亂先生馳入府請速追原捕差因諭安亂者并散補民兵應得已而議報諸司申檄先生力勸緩抑其辭時有欲窮詰之者先生白當事者曰衆逞其情而陰德歸損于公公則愚矣又白承勘者曰一字千命舉筆神知乃以前後事由徧白諸司曰寧失不經古聖人良法于是全活甚衆

唐樞木鍾

國初僞漢陳友諒為勁敵僞吳張士誠次之吳能西擾  
建業我則不敢越鄱陽而取武昌矣是時以長興侯耿  
炳文守長興江陰侯吳良守江陰長興守則陸騎不能出  
徽歛所以斷平江之掌股江陰守則舟師不敢窺通泰  
所以扼平江之襟喉吳不我擾而陳氏滅張氏繼之矣

見聞  
雜記

永樂二十一年陽武侯薛祿奉命討捕湖州叛寇

楊士奇  
薛公神

道  
碑

王晉溪在本兵時適湖州孝豐縣湯麻九反勢頗猖獗  
浙江巡按御史解冕奏聞朝廷下兵部議晉溪呼賞本  
人至兵部大言數之曰湯麻九不過一毛賊只消本處  
差數十火夫縛之此何足奏報欲朝廷發兵殊傷國體  
此御史不職即當考察論罷矣賁本人回浙江傳說此  
語一時皆以為湖州江南地朝廷不肯處分豈置之度  
外耶倘賊勢蔓延猝不可撲滅本兵甚為失策賊亦偵  
知此語恣意劫掠不設隄備先是戶部為查錢糧差都

御史許延光在浙江晉溪即請密勅許公討之且授以  
方畧即命憲副彭姓者潛提民兵數千餘出其不意乘  
夜而往賊方擄掠回相聚酣飲兵適至即時擒斬無一  
人得脫者爾時若朝廷命將遣兵彼必負固拒命淹頓  
日久不但勝負未可必縱勝而兵勞財費亦已甚矣晉  
溪此舉蓋不煩一旅不損一財而地方尋定謀之廟堂  
之上而定難于數千里之外若身履其地所謂折衝于  
樽俎者非耶

四友齋叢說與石淙碑微異  
攷杭志斯時無憲副彭姓者

湖有白已巾之變妖人馬道師煽衆騙財無他志有司捕之急適民兵三月不給糧乃相拊而亂先生馳入府請速追原捕差因諭安亂者并散補民兵應得已而議報諸司申檄先生力勸緩抑其辭時有欲窮詰之者先生白當事者曰衆逞其情而陰德歸損于公公則愚矣又白承勘者曰一字千金舉筆神知乃以前後事由徧白諸司曰寧失不經古聖人良法于是全活甚衆

唐樞木鍾

集

梅溪有江天祥之亂公私戒嚴兵無可衛調者部使及  
監司議撫以托于先生先生遂入其巢諭之曰汝之仇  
趙吾甚憐其情乃忿發轉仇于國法其為計左矣江曰  
大人言則過乎先生曰法度乃國家法度有仇許汝自  
白有司不公許汝并白有司并白而不行直咎命而已  
敢與國家敵國家合四海之力如蠶絲牛毛國家法度  
能治汝鮮隱國家存恤不辜之仁誰能照汝隱情吾甚  
為汝憐之今為汝計莫若急卸刀備吾能保汝待以不



死江曰大人何自而來先生曰部使監司屬之來江曰其屬之來何故先生曰亦為兵力不足江曰既不足兵力何以謂國家能治我先生曰兵力不足者于湖于浙言之合四海之力而于汝謂之不足耶江曰信以何術貸我先生曰諸司不可憑只吾不欺一念可以獻信江曰大人何以信諸司先生曰諸司圖之急乘其急而應之即赴戎所可全信也江曰設諸兵力足以謀大人大人何指先生曰吾安肯欺汝始唐三府謀于吾吾以急請

兵告吾幾中汝江曰公誠神人也語唐三府計已牒知之吾謹任公進止遂撤虎防散黨與出領讞罰上

浙之三司方伯王紹何天衢憲長梁材都指揮陳璫暨全官以書抵予請曰湖之孝豐有湯許二姓者恃險為亂不受約束不輸賦稅潛納亡命時出殺掠人而奪其貨財焚人室廬劫庫藏拒敵官軍有司不能制守土者以為憂然莫敢任其事巡按監察御史解冕議曰寇賊奸宄為民大蠹滋不可長乃具疏以聞上命巡撫南直

隸都御史張津督師討之既受勅乃率三司長貳各簡精銳分路進勦部署已定躬率大軍直臨寇境賊欲戰不敵欲竄不能旋伏道旁延頸就縛間有奔佚山林者下令必生致之不遺寸鏃而三十年之患一旦悉平上

聞捷嘉賞

楊一清平寇碑

嘉靖三十六年九月有烏鎮李道人之亂放火劫掠鎮民逃竄兵憲天津劉公濟發兵擒之旬五而定先于二十六年間有烏鎮西柵雙陽村李道人名松身短面黃

梅溪有江天祥之亂公私戒嚴兵無可衛調者部使及  
監司議撫以托于先生先生遂入其巢諭之曰汝之仇  
趙吾甚憐其情乃忿發轉仇于國法其為計左矣江曰  
大人言則過乎先生曰法度乃國家法度有仇許汝自  
白有司不公許汝并白有司并白而不行直咎命而已  
敢與國家敵國家合四海之力如蠶絲牛毛國家法度  
能治汝鮮隱國家存恤不辜之仁誰能照汝隱情吾甚  
為汝憐之今為汝計莫若急卸刀備吾能保汝待以不

死江曰大人何自而來先生曰部使監司屬之來江曰其屬之來何故先生曰亦為兵力不足江曰既不足兵力何以謂國家能治我先生曰兵力不足者于湖于浙言之合四海之力而于汝謂之不足耶江曰信以何術貸我先生曰諸司不可憑只吾不欺一念可以獻信江曰大人何以信諸司先生曰諸司圖之急乘其急而應之即赴戎所可全信也江曰設諸兵力足以謀大人大人何指先生曰吾安肯欺汝始唐三府謀于吾吾以急請

兵告吾幾中汝江曰公誠神人也語唐三府計已牒知之吾謹任公進止遂撤虎防散黨與出領讞罰上

浙之三司方伯王紹何天衢憲長梁材都指揮陳璠暨全官以書抵予請曰湖之孝豐有湯許二姓者恃險為亂不受約束不輸賦稅潛納亡命時出殺掠人而奪其貨財焚人室廬劫庫藏拒敵官軍有司不能制守土者以為憂然莫敢任其事巡按監察御史解冕議曰寇賊奸宄為民大蠹滋不可長乃具疏以聞上命巡撫南直

隸都御史張津督師討之既受勅乃率三司長貳各簡精銳分路進勦部署已定躬率大軍直臨寇境賊欲戰不敵欲竄不能旋伏道旁延頸就縛間有奔佚山林者下令必生致之不遺寸鐵而三十年之患一旦悉平上

聞捷嘉賞

楊一清平寇碑

嘉靖三十六年九月有烏鎮李道人之亂放火劫掠鎮民逃竄兵憲天津劉公濟發兵擒之旬五而定先于二十六年間有烏鎮西柵雙陽村李道人名松身短面黃

三鬚約年三十餘歲來游本鎮托住鎮民沈松家設立  
道場持齋諷經自言諳曉道法呼風喚雨稱為白蓮教  
主善度衆生妄刻江山水石保命長生天福印記多製  
白巾為號妖言末劫之年地方大災太湖水乾五十餘  
里現出金寶不久洪水泛漲民將魚鱉從吾齋戒給與  
印信白巾臨期免死使沈松與全鎮陰陽生郭震傳教  
煽惑人心震又言道士左手有山河右手有社稷脚底  
有乾坤二字實係真命主由是四遠村愚北面受戒者



不知幾千百人因而分為大乘苦空等七十二教名色  
在七十二處起兵救度十三布政司九十二億人歸我  
遂有拳教李南蔣朋稱為李把總蔣先鋒尊李道人為  
師待招兵衆多一時起兵先佔湖州候各處兵到共成  
大事更有嘉湖兵道水兵把總武生毛筌及陸兵隊長  
姜緯拳教高仙秀水縣胥江叔約全張龍等亦投李道  
人為師道人言天下該換吾已各處招兵你門亦各處  
招兵助我明年三月內起兵成事俱有大官筌等各歸

謠言暗地結義招兵俄有武生胡亮為筌招拉作逆言  
兵馬俱齊有李道人為主各處將白巾號布分散准在  
九月十四甲子日甲子時起兵攻城約于城外五里亭  
取齊各分兵圍繞四門放囚刼庫云云亮知大逆佯許  
潛歸密發于劉兵憲急督把總王彥忠千戶崔丹金廷  
潤鎮撫劉欽等發兵勦捕須臾毛筌高仙姜緯受縛于  
張龍樓上獲妖印一顆號布三尺白巾三頂妖書二本  
一面督行湖州所領兵指揮蔡茂思千戶李鉞到鎮擒

捕兵到止擒沈松一人李道人同沈林沈乾蔣朋俱各  
逃脫更欲乘機作亂却奪沈松蔣朋等遂舉火為號至  
雙林朋監起青旗桑四家監起白旗意圖二路起兵接  
應不至更聞筌等已擒隨即緣賊黨五百餘人并李南  
張濟等駕船至鎮將房屋焚燒口稱隨我歸死鎮民皆  
逃朋見嘉興兵至朋故身穿紅袍張青絹傘擄掠居民  
駕舟前往雙林屯住又言毛兵即來助我吳江宜興等  
兵不時就到衆可安心及見官兵有旗招撫朋等傳令

三鬚約年三十餘歲來游本鎮托住鎮民沈松家設立  
道場持齋諷經自言諳曉道法呼風喚雨稱為白蓮教  
主善度衆生妄刻江山水石保命長生天福印記多製  
白巾為號妖言末劫之年地方大災太湖水乾五十餘  
里現出金寶不久洪水泛漲民將魚鱉從吾齋戒給與  
印信白巾臨期免死使沈松與全鎮陰陽生郭震傳教  
煽惑人心震又言道士左手有山河右手有社稷脚底  
有乾坤二字實係真命主由是四遠村愚北面受戒者

不知幾千百人因而分為大乘苦空等七十二教名色在七十二處起兵救度十三布政司九十二億人歸我遂有拳教李南蔣朋稱為李把總蔣先鋒尊李道人為師待招兵衆多一時起兵先佔湖州候各處兵到共成大事更有嘉湖兵道水兵把總武生毛筌及陸兵隊長姜緯拳教高仙秀水縣胥江叔約全張龍等亦投李道人為師道人言天下該換吾已各處招兵你門亦各處招兵助我明年三月內起兵成事俱有大官筌等各歸

謠言暗地結義招兵俄有武生胡亮為筌招拉作逆言  
兵馬俱齊有李道人為主各處將白巾號布分散准在  
九月十四甲子日甲子時起兵攻城約于城外五里亭  
取齊各分兵圍繞四門放囚刼庫云云亮知大逆佯許  
潛歸密發于劉兵憲急督把總王彥忠千戶崔丹金廷  
潤鎮撫劉欽等發兵勦捕須臾毛筌高仙姜緯受縛于  
張龍樓上獲妖印一顆號布三尺白巾三頂妖書二本  
一面督行湖州所領兵指揮蔡茂思千戶李鉞到鎮擒

捕兵到止擒沈松一人李道人同沈林沈乾蔣朋俱各  
逃脫更欲乘機作亂却奪沈松蔣朋等遂舉火為號至  
雙林朋監起青旗桑四家監起白旗意圖二路起兵接  
應不至更聞筌等已擒隨即緣賊黨五百餘人并李南  
張濟等駕船至鎮將房屋焚燒口稱隨我歸死鎮民皆  
逃朋見嘉興兵至朋故身穿紅袍張青絹傘擄掠居民  
駕舟前往雙林屯住又言毛兵即來助我吳江宜興等  
兵不時就到衆可安心及見官兵有旗招撫朋等傳令

不許聽從違者斬首然見勢孤各各先竄李南夜投唐氏千戶崔丹督兵圍捉南出拒敵殺傷兵士朱森鄔江戮死李成王恩等南即就縛各賊旋遁雙林迤西官兵追至西漾適與湖州兵合蔣朋等遂率衆上岨拒敵兩軍夾擊奔走不及就陣擒獲朋震等五十八名送道研審得姚吳等四十六名被擄揺船當即釋放惟李南蔣朋等十有二名從賊分有印信白布從賊梟斬餘俱不問此誠村市一大變也歲壬辰有以全州白蓮黨變密



告開府而沈公率以善巧默散之為德厚矣適見舊案

節錄以為白蓮村社之戒

見只編

雲川自唐末五代以來不經兵火此非天幸蓋其地險  
可守者二十不當孔道非必爭之地一也陂澤瀰望塗  
泥沮洳舟車皆阻二也環城無駐足之地難下寨難施  
砲架難用綽路馬難推鵝車洞車雲梯之屬三也城外  
居民屋宇不過數十家臨時拆毀容易四也地薄數尺  
即水不可穿穴地道五也塘路多有水港間斷六也陸

行不可並馬七也城上非沙難頽八也舟楫輕捷人人能投水九也油泥可用澆發塘路及近城去處去一二尺乾土以油泥實之油泥厚尺許非一兩月不能實馬與人踏踐無不蹶陷十也釘樁犬牙相錯多下暗樁舟載稍重則為暗樁所礙舟稍大則不能入樁進退不可十一也茭葑堆積以覆陷甯誘之陷沒放水浸田使不可行十二也城中多大家有資力可召募群不逞羣不逞為官收拾既可免竊發又多趨勇可用十三也去山

遠無以高臨下之勢十四也水流不湍峻不可引以灌  
城十五也敵奇正兵不敢來不過偏師到此已是冬末  
春初不能久留十六也兩溪灌注無渴乏之患十七也  
家家近水火攻易救十八也西南北水面濶雖閉門久  
氣不鬱壅不致生病十九也有魚蝦螺蜆菰茭鳬茆藕  
根可以助食二十也大凡守城須先遠守城外險處南  
門陸路當守何山嶺水路當守衡山東門當守舊館昇  
山水路當守河口昆山青塘門西門當守法華仁王山

不許聽從違者斬首然見勢孤各各先竄李南夜投唐氏千戶崔丹督兵圍捉南出拒敵殺傷兵士朱森鄔江戮死李成王恩等南即就縛各賊旋遁雙林迤西官兵追至西漾適與湖州兵合蔣朋等遂率衆上岍拒敵兩軍夾擊奔走不及就陣擒獲朋震等五十八名送道研審得姚吳等四十六名被擄揺船當即釋放惟李南蔣朋等十有二名從賊分有印信白布從賊梟斬餘俱不問此誠村市一大變也歲壬辰有以全州白蓮黨變密

告開府而沈公率以善巧默散之為德厚矣適見舊案

節錄以為白蓮村社之戒

見只編

雲川自唐末五代以來不經兵火此非天幸蓋其地險  
可守者二十不當孔道非必爭之地一也陂澤瀰望塗  
泥沮洳舟車皆阻二也環城無駐足之地難下寨難施  
砲架難用綽路馬難推鵝車洞車雲梯之屬三也城外  
居民屋宇不過數十家臨時拆毀容易四也地薄數尺  
即水不可穿穴地道五也塘路多有水港間斷六也陸

行不可並馬七也城上非沙難頽八也舟楫輕捷人人能投水九也油泥可用澆潑塘路及近城去處去一二尺乾土以油泥實之油泥厚尺許非一兩月不能實馬與人踏踐無不蹶陷十也釘樁犬牙相錯多下暗樁舟載稍重則為暗樁所礙舟稍大則不能入樁進退不可十一也茭葑堆積以覆陷穿誘之陷沒放水浸田使不可行十二也城中多大家有資力可召募群不逞羣不逞為官收拾既可免竊發又多趨勇可用十三也去山

遠無以高臨下之勢十四也水流不湍峻不可引以灌  
城十五也敵奇正兵不敢來不過偏師到此已是冬末  
春初不能久留十六也兩溪灌注無渴乏之患十七也  
家家近水火攻易救十八也西南北水面濶雖閉門久  
氣不鬱壅不致生病十九也有魚蝦螺蜆菰菱鳬茈藕  
根可以助食二十也大凡守城須先遠守城外險處南  
門陸路當守何山嶺水路當守衡山東門當守舊館昇  
山水路當守河口昆山青塘門西門當守法華仁王山

路水路當守永壽北門水路當守大錢等處險不能拒

然後退而守城盡拆橋梁輦去石

若不輦去  
彼作砲用

環城港汊

皆施椿陸路當掘坑用油泥茭葑暗施鐵蒺藜苦竹槍  
使之川陸無路舟馬皆不可近城先之以守遠險次之  
以守近險然後守城是三重城也又守處在遠城中人  
少驚恐人心自安敵至則又當撓之或劫其火頭輜重  
或夜劫其寨敵睡重易劫或放火或決水或出奇兵于  
其後及其左右近城村落隔水抄掠亦難不過一月乏



食道矣然而尾而襲之常遠而勿迫自然陷溺非惟可保性命亦且立峻功矣然必人心一部分定號令明片堠遠賞罰信權出于一勿有二三禁虛驚禁妄言禁喧笑主謀者不怯畏處之恬然雖破城猶可巷戰死關也若其積糧積薪及守城器具自有常度不必詳述至于

臨時機變隨機而應又難預言

經鋤堂  
稾志

吾郡武備自漢而下或設營以團練或保伍以從戎其制雖不可攷而都督之設護軍之名建威將軍之立晉

王獻之宋謝莊何戢梁信都遵皆嘗以前官帥湖軍平  
內難矣而蘓峻之逼遷天子也虞潭得起兵于三吳折  
衝禦侮之士見于史書者炳炳有謂湖兵不亞關中之  
語矣降至于唐無聞焉蓋其始有府兵而天下無兵其  
既也有藩鎮之強而李師悅無取兵之策故也錢鏐始  
重其地以錢僭為節度使鎮之制兩廂設禁衛宋設禁  
軍營有四元平江南以禁廂八營并為四領以錄事司  
隸江浙行省自宋至元將之設有專官兵屯之數有定

額而教閱不嫻講武無地食粟而已偽吳罷錄事司以

禁廂分屬二縣

烏程歸安

我師克長興置元帥府士誠改千

戶所移于郡操兵二百八十八人運兵六百二十七人

屯兵五百二

俱舊額

新附者殆不可計居之以官房優之

以廩餼弛之以差徭今之馭將可謂渥以殊禮矣而卒

流于將驕卒情何哉亦曰教之不素耳嘗試籌之郡西

南多山且平行可以弓亦可以騎東北多水可以舟當

春夏水盛以具區為江漢之境

或以附近碧浪湖一帶亦可

聯以大

艦其戰也以水教秋冬移之廣茗


或以附近山一帶亦可

示之陣

教之騎二法行又選以民兵夾以軍伍厚優恤濃賞勞  
水戰三日則休之日以十陸戰三日則休之日以七其  
當戰也號令必嚴賞罰必信器械必精甲冑必鮮坐作  
進退必齊以一起伏合散必舒以徐夫然後可兵可民  
可吏可將可川陸可水火持此豫教之衆以備不虞而

武事立

王道隆  
野史



吳興備志卷十九

欽定四庫全書

史部

吳興備志卷

二十四

詳校官編修

臣曹振鏞

檢討

臣

德生覆勘

覆校官主事

臣龔敬身

校對官主簿

臣汪日贊

謄錄舉人

臣張光熙

欽定四庫全書

吳興備志卷二十

明 董斯張 撰

賑恤徵第十六

漢陽嘉二年春二月甲申詔以吳郡饑荒貸人種糧

後漢

書

吳赤烏十三年秋八月故鄣寧國諸山崩鴻水溢詔原

逋責給貸種食

吳志

晉咸安二年三吳大旱人多餓死詔所在賑給

晉書

宋泰始二年曲赦吳興義興晉陵四郡

宋書

元嘉七年吳興晉陵義興大水遣使巡行賑恤

十二年六月丹陽淮南吳興義興大水京邑乘船已酉  
以徐豫南兗三州會稽宣城二郡米數百萬斛賜五郡  
遭水民

孝武孝建二年秋八月三吳民饑詔所在賑貸

大明元年五月吳興大水人饑乙卯遣使開倉賑恤

廢帝永光元年八月丙戌原除吳興義興郡大明八



年以前逋租

並上

齊建元六年九月辛丑詔二吳義興三郡遭水減今年

田租

南齊書

永明五年八月乙亥詔今夏雨水吳興義興二郡田農多傷詳蠲租調

永明六年八月乙卯詔吳興義興二郡水潦被水之鄉賜瘡疾篤癰口二斛老疾二斛小口五斗

永明八年詔吳興水淹過度開所在倉賑賜

永明九年都下大水吳興偏劇竟陵王子良開倉賑救

貧病不能立者於第北立廨收養給衣及藥

並上

太和二年六月戊寅蘇湖二州水賑米二十二萬石以

本州常平義倉斛斗給

舊唐書

宋太平興國六年四月丙戌罷湖州織羅放女工

通鑑

皇祐四年二月庚子蠲湖州民所貸官米

上

嘉祐六年秋七月詔賑恤浙江灾

宋史

政和七年詔罷浙江花石綱

宋史

建中靖國元年自七月雨至於十月蘇湖秀三州水賑之

紹興二十三年湖秀二州大水賑之

紹興二十八年九月癸閏蠲平江紹興湖州被水民逋

賦

紹興二十九年湖秀諸州饑賑之

紹興三十一年正月丁亥免湖州增丁所輸絹

孝宗時湖州安吉夏祖繭絲之征既輸細絲又輸細綾

又輸細絹御史謝諤請蠲其一從之

楊誠齋謝昌國神道碑

慶元元年正月乙巳蠲嚴台湖三州貧民身丁折帛錢

一年九月己酉蠲嚴台湖三州被災民丁絹

宋史

紹定六年詔兩浙轉運司臨安府嘉興府安吉州竹木

之徵再蠲三月

續文獻通考

寶祐三年二月都省言臨安安吉嘉興屬縣水澇溺死頗衆詔各部守臣給錢埋瘞時馬光祖知榮王與芮府有積粟三往見之王以他辭光祖乃卧於客次王不得

已見焉光祖厲聲曰天下誰不知儲君為大王子今民  
饑欲死不以此時收人心乎王以廩虛辭光祖探懷中  
出片紙曰某莊某倉若干王語塞遂許以三十萬光祖  
遣吏分給活饑民甚衆

景定二年九月辛酉詔湖秀二郡水災令其亟勸分監  
司申嚴荒政

景定三年二月丁亥朔臨安吉嘉興屬邑水民溺死  
甚衆詔守臣給槥瘞之

並上

咸淳六年閏十月己酉安吉州水免公田稅四萬四千

八十石

宋通鑑

德祐元年十一月賜長興武康縣民錢并免今年田租

宋史

元至元二十五年夏四月癸酉尚書省臣言杭蘇湖秀

四州大水民鬻妻女易食請輟上供米二十萬石審其

貧者賑之帝是其言

元史

大德六年六月杭嘉湖等路饑賑糧二十五萬一千餘

石

續文獻  
通考

天曆二年江浙行省言常州湖州諸路饑民當賑糧一

十四萬三千餘石從之

續文獻  
通考

至順元年江浙大水民饑詔行省以入粟補官鈔三千錠及勸出粟十萬石賑之

至順二年湖州安吉太湖溢漂民居二千八百九十戶溺死一百五十七人命江浙行省賑恤之

中統二十四年正月蘇湖常秀四州俱饑十二月免浙

江魚課三千錠聽民自漁

至正元年以兩浙水灾免歲辦餘鹽三萬引

並上

洪武二年十二月賑應天杭湖蘇松諸郡貧民人給米

一石綿布一匹

松江新志

厲子溫青田人國初以明經擢監察御史洪武癸丑

命蹈湖州水荒以實復命上曰先曰無爾獨曰有莫

不知所以者乎對曰天知地知臣知君獨不知帝忿

其言不遜斬之後果如其言因榜書於午門曰豪傑



御史厲子溫

括倉  
彙紀

洪武戊午八月詔免長興安吉兩縣今年秋糧

通紀

洪武庚申春三月減蘇州松江嘉興湖州四府稅額先是張士誠竊據其地而蘇州尤稱富庶徐達常遇春等統精兵二十萬攻之數年始下太祖怒其附寇持城不降乃取諸豪族租簿俾有司加稅故蘇賦特重而松江嘉湖次之蓋以懲一時云至是命戶部裁其額凡一畝科七斗五升至四斗五升者減十之二四斗三升至三

斗六升者止徵三斗若五升以下仍舊

上

永樂二年六月命太子少師姚廣孝往蘇湖等府賑濟

資治  
通鑑

永樂二年十一月以蘇松杭嘉湖等府水災蠲其今年

糧六十萬九千九百餘石

松江  
新志

永樂三年浙西大水右僉都御史象山俞士吉與戶部

尚書夏原吉通政趙居任大理少理袁復奉勅往治兼

督農務時湖州被灾尤極虧糧五六十萬全事者以所

虧之數反十倍於所輸欲損其數以上士吉力爭曰欺  
君病民吾不忍為也雖重得罪吾自任之竟以實聞上  
允納悉蠲其輸仍勅發廩賑之民賴以蘇

寧波府志

四年九月賑蘇松常杭嘉湖六府流徙復業民戶十二  
萬二千九百有奇給粟十五萬七千二百石有奇

松江新志

永樂九年湖州府無徵糧米十七萬二千四百餘石所  
司一槩催徵民日逃亡浙江按察司周新奏乞遣官覆

驗上即命戶部覈實蠲免

雙槐歲鈔

十二年十一月蠲蘇松嘉湖杭五府水災田租四十七萬九千七百餘石初有司請減半徵之上謂戶部尚書夏原吉等曰民田被水無收未有以賑之又可徵稅耶

悉蠲之

松江新志

吳興備志卷二十

欽定四庫全書

吳興脩志卷二十一

明 董斯張 撰

祥寧徵第十七

晉元帝永昌二年五月吳興大水

晉書

按元帝紀永昌止元年乃一書自相背而來書稱二

年者亦不一

元  
書

明帝太寧元年五月吳興大水

宋書

成帝咸和四年七月吳興大水

晉書

咸康二年四月戊午甘露降吳興武康縣庚申又降武

康

宋書

廢帝太和中烏程閣下生蓮花

萬歲  
歷

掌故誤以為唐太和詳匡籍譌

安帝元興元年七月大饑人相食吳郡吳興戶口減半

又流奔而西者萬計

晉書

宋元嘉三年閏正月己丑甘露降吳興烏程太守王韶

之以聞

宋書

元嘉十三年二月甘露降吳興武康董道益家園樹

元嘉十九年二十年白龜兩見於吳興

元嘉二十年七月吳興郡後池芙蓉二花一蒂太守孔  
山士以聞

大明五年四月辛亥甘露降吳興安吉太守歷陽王子  
頊以聞

大明七年春太湖邊忽多鼠其年夏水至悉變成鯉魚  
民人一日取轉得三五十斛明年大饑

大明七年十二月辛丑朔甘露降吳興烏程令苟卞之以聞

太始二年九月壬寅白鳥降吳興烏程太守郗顯以獻明帝泰始中吳興東遷沈法符家雞有四距

泰始六年九月己巳八眼龜見吳興故鄣太守褚淵以獻

孝建三年七月庚午嘉禾生武康縣

後廢帝元徽四年十一月乙巳吳興烏程余山道人慧



獲蒼玉璧太守蕭惠開以獻

昇明二年十一月甘露降吳興卞山太守王渙以聞

並上

齊建元二年吳興大水故鄣縣楓樹連理兩株相去七

尺大八圍去地一丈仍相合為樹泯如一木

南齊書

永明元年武康民沈崇家石榴連理太守楊文崇以聞  
永明二年七月烏程縣陳文則家槿樹連理

永明五年夏吳興水雨傷稼

吳興東遷民吳休家女人雙生二兒胷以下臍以上合

蓋人疴也

永明六年吳興大水

並上

梁中大通三年吳興野穀櫓生布滿山澤百姓獲利

梁書

唐太和五年六月辛卯蘇杭湖水害稼

舊唐書

太和七年十月辛酉潤常蘇湖四州水害稼

開成三年夏蘇湖二州水溢入城

並上

乾符五年黃巢破宣州以清明前二日入長城居民

匿山谷間避之幸脫禍因以清明後補節一日相慶

長興志

天祐二年冬十月有獸入吳興一角麟趾

吳越  
臨史

宋熙寧八年長興旱太湖水退數里見古街衢井竈焉

長興志

元祐四年夏兩浙旱

文獻  
通考

元祐五年浙西水六年兩浙水

宋史

大觀元年十月蘇湖水災

並上

政和五年八月蘇湖水災

紹興六年湖秀海風害民田

紹興三十二年六月浙西大霖雨

談庚安吉布衣也紹興中言本邑去秋園瓜並蒂合而

為一此皇帝孝治天下故見祥瑞以昭天意

氏族大全

隆興元年秋湖州螟為穀災

隆興二年七月蘇湖大水

乾道元年春湖秀大饑殍徙者不可勝計州縣為糜食之

乾道六年冬湖秀饑

乾道十一年江東浙西諸州水

淳熙八年七月不雨至於十一月湖常旱

並上

開禧二年四月長興地生毛狀如馬鬣或蒼或赤或白

濱湖皆有之長數寸焚之臭如燎毛

西吳里語

開禧三年夏秋久旱大蝗羣飛蔽天先是浙西郡縣首

種不入或種苴粟皆既於蝗時韓侂冑開邊兵連禍結

故有此孽

文獻通考

嘉泰二年正月二十二日午刻有村媪攜幼稚百十成羣驚走聲言有盜捕嬰兒祭江閨然傳播泛湖入山藏

避宰尉禁約方止

長興志

嘉泰二年浙西大蝗若煙霧蔽天其墮亘十餘里

宋史

嘉定七年六月浙郡蝗

嘉定十一年六月浙西大霖雨

開慶十年八月安吉武康水

淳祐二年六月盛夏積雨浙右大水

並上

咸淳十年八月癸丑大霖雨天目山崩水湧流安吉臨

安餘杭民溺死者無算

武林紀事

元世祖中統二十五年三月湖秀水壞田稼

元史

中統二十九年六月湖州路水

並上

大德四年秋兩浙饑

函史

趙子昂別業在德清龍洞山元大德庚子歲紫芝生其

游亭戴表元為記

剡源集

成宗元貞元年五月湖州烏程縣水

二年湖州嘉興路饑

並上

天歷二年冬大雨雪太湖冰厚數尺人履冰上如平地

研北  
樓志

景泰五年郡大水饑御製城隍廟祭文命巡撫尚書孫

原貞祀

勞志

成化九年二月甘露降東林里人陳政家庭樹越旬始

晞

東林  
山志

嘉靖二十四年旱太湖水縮民有得軒轅鏡於其岬者



長興  
志

嘉靖三十二年六月初十日鄉中羣小兒驚走入市言  
有捕嬰童祭江者有司禁之乃止

上

隆慶四年八月浙江湖州山崩成湖

續文獻  
通考

吳興脩志卷二十一

欽定四庫全書

吳興脩志卷二十二

明 董斯張 撰

經籍徵第十八

寓公著述附

吳太常姚信集二卷又周易註十卷昕天論一卷士緯

二卷

隋經籍志

晉征西主籍邱道護集五卷

沙門支曇諦集六卷

松陽令鈕滔母孫瓊集二卷

吳興孝廉鈕滔集五卷

益陽令吳商集五卷又禱禮義十一卷禮答難十二卷

禱議十二卷又禮誠禱記故事十三卷喪禱事二十卷

吳興太守沈充集十卷

並上

陸修靜道德經新說一卷

高似孫子畧

征虜將軍沈林子集十卷

隋經籍志

給事中邱淵之集七卷

太平御覽

金紫光祿大夫沈演之集十卷

侍中沈懷文集十二卷又隋王入汴記十卷

南陽太守沈亮集七卷

並上

南越志七卷武康令吳興沈懷遠撰此五嶺諸書之最

在前者也懷遠懷充之弟見宋書

書錄  
解題

司徒左長史沈勃集五卷

隋經  
籍志

太子舍人沈麟士集六卷又經傳義疏一卷

國子博士邱遲集十卷又集鈔四十卷

吳興孝廉劉氏集九卷

並上

特進沈約宋書一百卷齊記二十卷注梁武帝連珠一卷  
謚例十卷子鈔六卷襍鈔十卷珠叢一卷袖中畧記  
三卷袖中畧集三卷宋世文章志二卷梁新官品十六  
卷梁儀注十卷又俗說一卷襍記二卷四聲四卷

隋經

籍志

奉朝請吳均集二十卷注後漢書九十卷齊春秋三十  
卷廟記十卷十二洲記十六卷吳郡錢塘先賢傳五卷  
續文說五卷續齊諧記二卷

黃門郎沈璇集爾雅誌十卷

揚州從事太史叔明孝經義一卷孝經發題四卷論語集解十卷

後梁散騎常侍沈君攸集十三卷

陳後主集十三卷

沈后集十卷

國子博士沈文阿春秋左氏經傳義畧二十五卷喪服經傳義疏四卷喪服發題四卷經典大義十二卷經典

玄儒大義序錄二卷

姚察文集三十卷文章始一卷梁書帝紀七卷

沈炯前集七卷後集十三卷

後周散騎常侍沈重樂律義四卷鐘律五卷

姚僧垣集驗方十卷

並上

姚勗起予集四十卷

舊唐書

姚最梁後畧十卷本草音義三卷續畫品一卷述系傳

一卷

上



最又有序行記十卷迷行記十卷見經籍志

徐堅集三十卷又註史記一百三十卷晉書一百一十

卷大隱書三卷

舊唐書

姚思廉梁書五十六卷陳書三十六卷

邱光庭兼明書十二卷規書一卷康教論一卷海潮論

一卷海潮記一卷名賢姓氏相全錄一卷

陸羽警年十卷窮神記十卷茶記一卷教坊錄一卷

沈既濟選舉志三卷江淮記亂一卷建中實錄十五卷

陸龜蒙詩編十卷又賦六卷

沈光集十五卷

沈顏陵陽集五卷聲書十卷解聲十五卷

沈亞之集十卷

晁氏讀書志

吳興稊錄七卷唐湖州刺史張文規撰文規張薦之後

彥遠之父其為郡在會昌二年

文獻通考

宋璩茗川總載集十卷

宋經籍志

宋璩吳興人物志十卷璩字勝之烏程人

唐藝文志

詩式五卷詩議一卷唐長城皎然清晝撰

高僧傳

張光安陸集一百卷

癸辛  
集志

朱臨春秋統例二十卷春秋私記一卷春秋外傳十卷

朱服文集十三卷校定六韜六卷校定孫子三卷校定

司馬法三卷校定吳子二卷校定三畧三卷國子監文

費令式一卷

俞汝尚溪堂集四卷

盧秉文集十卷又奏議三十卷

萍洲可談二卷吳興朱或無或撰

春秋通訓十六卷五禮例宗共十卷直秘閣張大亨嘉

父撰

文獻  
通考

朱肱內外二景圖三卷大隱翁酒經一卷

南陽活人書二十卷朱肱撰

並  
上

吳興統記十卷攝湖州長史左文質撰分門別類古事

頗詳序稱甲辰歲者本朝景德元年也

南紀序五卷知漢陽軍于霁教授施士衡編

何遠春渚紀聞十三卷

孔子編年五卷新安胡仔元任撰其父舜陟命仔采摭

經傳為之

書錄  
解題

葉清臣春秋纂類十卷上

石茂良靖康錄一卷

朱勝非奏議十五卷

葉夢得春秋讞三十卷春秋考三十卷春秋傳二十卷

石林春秋八卷春秋指要總例二卷論語釋言十卷孟

獲謙謙自殺

吳志

沈充之走吳興也假庾亮持節都督東征諸軍事追充

事平以功封永昌縣開國公

晉書

太寧二年十二月沈充故將顧颺反於武康攻燒城邑  
州縣討斬之

王舒字處明成帝時將徵蘇峻出舒為外援授會稽內  
史峻作逆假節都督行揚州刺史事時吳國內史庾冰  
棄郡奔舒舒移告屬縣渡浙江遣前鋒進據無錫吳興

陳都官集三十卷陳舜俞撰

上

葛立方韻語陽秋三十卷歸愚集二十卷又歸愚詞一

本

信齋詞一卷葛郊謙問撰

劉行簡詞一卷劉一止撰嘗為曉行詞盛傳於京師號

劉曉行

並上

劉一止苕溪集五十卷

宋經籍志

劉寧止教忠堂類藁十卷

葛邲文詞集二百卷詞業五十卷

葛郭載德詩四卷

朱勝非行狀一卷劉岑撰

朱勝非年表一卷勝非孫昱著

倪思易訓三十卷中庸集議一卷論語義證二十卷合

宮嚴父書一卷北征錄七卷

上並

齊齋臺諫論二卷尚書雲川倪思正父撰

書錄  
解題

張有五聲韻譜一卷比常韻無悞

學古  
編



却掃編三卷徐度撰

文獻通考

建炎以來繫年要記二百卷工部侍郎李心傳微之撰

益與李巽若長編相續亦嘗自隆興後相繼為之會蜀

亂散失不可復得

文獻通考

建炎以來朝野甲乙集共四十卷李心傳撰上自帝系

帝德朝政國典下及見聞瑣碎皆錄之蓋南渡以來野

史之最詳者

上

孝宗要錄初草二十卷李心傳撰

經籍志

春秋考義十二卷舊聞証誤十五卷俱李心傳撰

西陲泰定錄九十卷李心傳撰

丁丑三禮辨中興藝文志李心傳撰

並上

晦菴語錄四十六卷著作佐郎陵陽李道傳貫之裒

晦翁門人廖德明子晦而下三十二家刻之九江

文獻

通考

晦菴續錄四十六卷李太史之弟樞密性傳成之又得

黃幹直卿而下四十一家及前錄所無者刻之

臨安志十五卷府帥吳興周淙彥廣撰

並上

施宿大觀法帖總釋二卷又石鼓音一卷

宋經籍志

沈樞通鑑總類二十卷宜林集三十卷

上

沈詵東溪集二卷

見勞志

沈該神宗寶訓一百卷翰林學士年表一卷陰符經注

一卷

上

程大昌集二十卷禹貢論五十二篇別有演繁露十四

卷又六卷攷古編十六卷易原雍錄各十卷易老通言

十卷

文獻通考

北邊脩對六卷程大昌撰

上

參政章良能有嘉林集百卷

癸辛雜識

劉光祖後溪集若干卷

倪恕安陸酬唱集六卷

莫君陳月河所聞一卷

談氏家傳一卷談鑰撰

沈復四益齋集若干卷

見真西山集

晦岩集十二卷秘書丞沈清臣正卿撰

錢几集二卷

長興志

周頡適菴集一百卷

上

朱煥文北山藁若干卷

安吉志

王洋東牟集二十九卷

李迎遺藁一卷

牟子才內制五卷外制三卷奏議二十卷經筵講義五

卷口義二卷故事二卷脩邊三策

近世厚德錄四卷百鍊真隱李元綱國紀編沈濬道原

為作序

文獻  
通考

姜夔讀書譜一卷白石叢書十卷絳帖評二十卷集古

印譜十卷

林洪字龍文德清柯山人有山家清供一卷

說  
郭

陳振孫書錄解題聚其家藏之書而評之

振孫號直齋吳興人見文獻通考發端

韋居聽輿一卷宋陳

闕

直齋之子雲川人

說  
郭

衢按直齋有千名造見齊東野語不知即此人否

稿簡贅筆二卷承議郎章淵撰淵字伯深援之孫

襄陽志四十卷宋郡守胸山高夔命教授吳興劉宗幕

官上蔡任汚編纂為書詳脩志之佳者

文獻  
通考

昭明太子事實二卷知池州趙彥博富文編昭明廟食

于池元祐賜額曰文孝

書錄解題  
彥博武康人

高斯得徽宗長編孝宗實錄若干卷刊正杜佑通典若

干卷

續文獻  
通考

恥堂集詩膚說儀禮合抄增損俱高斯得撰

蒙古脩錄一卷宋孟珙撰

說郭

閑治靜本論五卷將論五卷知樞密院廣陵張岩肖翁

撰

書錄  
解題

岩雖匪人然其才亦有可取惜不善用耳

岩寓  
吳興

程公許著塵缶文集內制外制奏議奉常議掖垣綴奏

金華講義共若干卷

寓山集三十卷吳興沈作喆明遠撰丞相諉之姪紹興



五年進士改官為江西運官常為悲扇工詩忤魏良臣

陷以深文奪三官

文獻通考

全菴集一卷吳興施士衡德求撰嘗試中教官為宣州簽幕坐廢雖牽復仕竟不進

上

宋釋贊寧鷲嶺聖賢錄一百卷宋高僧傳三十卷僧史畧三卷要言一卷筍譜一卷傳載八卷

宋經籍志

元姚子敬選古今樂府一卷以夏英公喜遷鶯宮詞為

冠

升卷詞品

王子中掛蓑吟三卷

勞志

周密有浩然齋日鈔

見綱目

本草

絕妙好詞

見樂府指迷

雲煙過

眼錄

見秘雙

客誤

見歷代小史

衛富益著四書考証易經雜說讀史纂要怡情錄共若

干卷

王方叔有第一山人集

松雪齋集

宇文公諒著折桂集觀光集辟水集以齋書藁玉堂漫

藁越中行藁共若干卷

元史

程邨柳軒退藁十卷

上

陳繹曾古文矜式二卷

衢按繹曾又有翰林要訣見弇州法書苑

趙孟頫印史二卷演琴賦一卷

續文獻通考

夏文彥字士良吳興人著圖繪寶鑑若干卷

吳興志二十卷樞密院編修郡人談鎰元時撰嘉泰元

年也其為草未得為盡善

並上

吳惟信字仲孚吳興人有菊潭集

癸辛雜識

龐隆石舟詩話二卷蓬窓吟藁一卷

龐氏家乘

周禮集說十卷吳興前溪陳友仁君復撰

陸崑吳興名賢錄若干卷王道隆吳興名賢續錄六卷

道隆又有苔雲野史若干卷

經籍志

嚴震直流芳錄三卷

長洲陳頤景泰間分教湖州嘗取舊志編輯成書成化

八年潯陽勞鉞廷器守湖與儒士張淵朝夕討論重加

增補得二十二卷

見彭華夏時正陽志序

臧衍字有原與定山莊孔暘交著長興縣志

閔珪莊懿公集十卷

孫一元太白山人漫藁若干卷

施侃菁陽集四卷

凌震練溪集四卷

施峻璉川詩集八卷文集六卷

潘李馴留餘堂集十二卷河防一覽若干卷

施儒西亭集十二卷

沈節甫太僕主人集十六卷

錢鎮澹菴集五十卷

沈桐觀頤集二十卷

劉麟南坦集十二卷

國史經籍志

閔元衢輯南坦未刻藁藏於家

唐樞木鍾臺集三十二卷

駱文盛兩溪集七卷

董份泌園集三十二卷史記評鈔四十卷漢書評鈔四

十卷後漢書評鈔二十卷

茅坤鹿門集四十六卷史記鈔若干卷漢書鈔若干卷  
五代史鈔二十卷唐宋八大家文鈔一百四十四卷浙  
直分署紀事本末二卷

顧應祥崇雅堂集十四卷讀易愚得一卷惜陰錄十二  
卷授時厯法撮要一卷勾股算術一卷測圓算術四卷  
弧矢算術一卷歸田詩四卷人代紀畧四卷

閔如霖午塘集十六卷

蔡汝楠自知堂集二十四卷五經劄記若干卷

徐中行天目集二十一卷

陳良謨見聞紀訓二卷

徐獻忠掌故集十七卷樂府原十五卷

王豫隨槎集四卷四書識大錄若干卷

朱長春甲集五十二卷乙集若干卷管子權二十四卷

許孚遠敬和堂集十卷學庸論語述五卷

趙金淮猷集三卷浮休集一卷醫學經畧十畧



吳惟嶽海岱集四卷天目山房歲編二十八卷

董道醇黃門集一卷韓文評抄二十卷

董嗣成青棠集十卷光祿遺編四卷

慎蒙文則大成二十二卷名山記十六卷

陳深十三經解話若干卷諸子品節若干卷諸史品節若干卷

凌約言鳳笙閣簡抄四卷

凌迪知萬姓統譜一百五十卷文林綺繡二十卷名世

類苑四十卷國朝名公翰藻五十二卷

凌稚隆史記評林一百三十卷漢書評林一百卷左傳評註測義若干卷

姚翼海屋集十四卷家規通俗編十二卷

陳霆水南集續集雨山墨談唐餘紀傳綠鄉筆林水南閒居錄宣靖脩史渚山堂詩話詞話山堂瑣語仙潭志共一百餘卷

吳興王雨舟濟人物高遠刻意詩詞其所著有宮詞一

卷有水南詞一卷有谷應集有鐵老吟餘其宮詞尤蘊

藉可喜

夾白齋詩話

濟倅橫州采其風土物宜與域中異者為書二卷曰

君子堂日詢手鏡載國朝典故劉清惠為作墓誌

元衢

李樂見聞雜記十卷烏青志若干卷

臧懋修負苞堂集八卷古詩所五十六卷唐詩所四十

七卷

茅翁積芸暉館集十二卷

茅國績菽園集二十卷

鄭明選侯升集四十卷

嵇元夫白鶴園集若干卷

吳夢陽射堂詩鈔十四卷

橫塘集二卷屠隆寓湖著

范汭湛園集四卷

謝肇淛下菰集六卷又吳興友乘見曹能始石倉二葉

朱國楨湧幢小品三十二卷

又著國朝史槩晚年精神所注事核而賅留資貽後  
僅刪其半識者有散佚之虞焉門人閔元衢識

沈演止止齋集七十卷

茅瑞徵澹樸齋初集十七卷禹貢匯疏十三卷

閔夢得宦牒章功十二卷

駱從宇淡然齋存藁六卷

吳興脩志卷二十二

欽定四庫全書

吳興脩志卷二十三

明 董斯張 撰

遺書徵第十九

記吳興始常曜氏談鑰志所載僅一則耳踵起數十家都已佚顏魯公地記錄集中幸不泯泯焉張玄之山墟名吳均入東地舊志猶存一二謙之記散見藝文類聚初學記太平御覽後漢書注談鑰志說郭諸書余取錄之庶膏鼎一鑿耳儻有藏諸書之全者乎

慰我朝飢

山謙之吳興記

二十一則

謙之棘陽令好學多著述又有南徐州記丹陽記宋書載隋經籍志及沈約自叙

郡廨署舊在烏程縣治

烏程縣有穴圓三丈內轉寬大有鐘乳云通包山

烏程縣南百里有桐墟又百五十里有柳墟又有柳河  
烏程縣東南三十里有桑墟



九乳山在烏程縣西南三十一里有九峯如乳狀

石城山在烏程縣西三十里昔烏程人嚴白虎于此壘石為城與呂蒙戰

卞山峻極非清秋爽月不見其巔蓋雲霧常封耳

卞山洞中有石如玉人謂之瑤琨石

卞山有項王走馬埒洗馬池

卞山有項王繫馬樹石間有項王馬蹄

吳興本無楊梅太史慈葬卞山三州來祭越有楊梅因

種號卞山楊梅

卷二十三

按容齋三筆云孫權使慈為建昌都尉葬於新吳今  
洪府奉新縣也邑中立廟敬事乾道中封靈惠侯似  
與此左然名士爭借為重其墓兩處載之恒也或墓  
原在弁山而于彼靈應因廟而遂以墓附會耶

元衢

吳景帝鈕皇后父墓卞山令百姓兼丁三千人開之

按吳志孫休薨諡景皇帝夫人朱據女休即阼立為  
皇后休卒尊為皇太后別無鈕皇后但顏魯公石柱

記烏程縣有吳景帝鈕皇后陵而此記陵墓無之未

知何據

談志

東遷縣有孺子山徐孺子入吳哭友人嘗登之因以為名

闕山以其山峯在闕神祠南蓋吳丞相闕澤所居也烏山烏巾居此故也

含山在縣東南一百八里震澤東望蒼然茭葦煙蔚之中高邱卓然因以名焉

烏程有梅墟梅林梅亭

衡山一名橫山

車溪出美魚

烏程溫山出御荈

荈勞與  
誤作芹

烏程縣北壘山有紫石英甚光明但小黑其山東臨大

谿西帶長瀆

烏程縣西北有項籍祠興平二年太守許貢奏分縣為

永安縣



吳興脩志卷二十三